

Nâ èt les yeutchîns

L'afaint Djésus mainquè de choire ât bé yeutchîn,
Encoé tchaince, è y'aivait ène étâle tchu son t'chmîn !
Adj'd'heû ch'te veus djasaie de Nâ en tes aimis
Saf po lés p'tèts crômas... ès t'raivoétant d'traivie.

Pu d'rantche, pu d'aîne, de bue, pu d'aingde, piepe de bardgie
Ch'te veus être de ton temps, tes seuvnis te rébies.
Tiains te vais dains lés bôs tçheri ïn p'tèt saipîn,
Â cie, l'premie qu's'enfûe di Bardgie ç'ât l'yeutchîn.

Lés yeutchîns sont paitchot, ryûjaints, saf vote rêchpèt,
Parris, Piaice di Yeutchîn, yeutchîns d'ïn cabairèt,
Tchus lai cape d'ïn soudait, o graiy'nès tchu ïn mue
Tchus l'capot d'enne dyimbarde, raimbèyaint de mil fûes.

Yeutchîns dés relidgions, aivô cintçhe, ché, sept pitçhes...
Qu'è feuche de David, de l'Islam o meinm' comm'nichte
Ïn yeutchîn voû qu'è feuche aippoétche bonhèye et gloûere.
Ç'ât â moins ç'qu'an en dit, è fât y craire po l'voûere.

Chi de tos cés yeutchîns, lés pus bés sont â cie,
Traïçaint yeutchîn, yeutchîn de Nâ emproïnt de grie.
Dains lés euyes d'ïn afaint tiaind raimbaiye ïn yeutchîn,
Ç'ât qu'èl ât bînhèyrou, chur de son bon yeutchîn !

L'micou